



LITIÐ UM ÖXL

ANNÁLL GREININGARDEILDAR ARION
BANKA 2013

FYLGIT ÚR HLAÐI

- Í fjarlægri framtíð, þegar allt suð sem fylgir núinu er hljóðnað og við sjáum í gegnum reykin og rykið sem samtímakvabb þylrar upp, munum við líklega komast að því að árið 2013 var ágætt fyrir íslensku þjóðarskútuna.
- Fyrir það fyrsta þá upplifðum við hvorki eldgos, jarðskjálfta, óveður né drepsóttir af þeirri stærðargráðu að 2013 verði getið í sögubókum framtíðar.
- Á árinu tók hagvöxtur við sér svo um munaði, einkum vegna öflugs útflutnings á þjónustu, en enn eitt árið hefur metfjöldi erlendra ferðamanna sótt okkur heim - ekki aðeins yfir hásumarið heldur er vöxturinn jafnari yfir árið. Verkefni næstu ára verður að jafna álag yfir árstíma og landssvæði og var grunnur lagður að því á árinu.
- Samhliða hagvextinum hefur dregið úr atvinnuleysi og verðbólga hefur gengið niður. Því miður eru viðskiptakjörin sögulega slæm og því gengur hægar en ella að umbreyta öflugum útflutningi í kaupmátt fyrir almenning.
- Staða ríkis og sveitarfélaga batnaði á árinu og áætlanir fyrir nýtt ár gefa til kynna að framhald verði þar á. Á móti hefur fjárfesting á þeirra vegum verið minni en ella og fjárfestingar einkaaðila hafa ekki tekið við sér með þeim krafti sem vonast var eftir. Þar virðist þó ýmislegt í pípunum og byggingarkrönum fer marktækt fjölgandi.
- Gjaldeyrishöft voru ekki afnumin á árinu sem leið. Þó höftunum verði ekki aflétt á nýju ári erum við vongóð um að stór skref verði stigin í þá átt að minnka þá gjaldeyrisáhættu sem felst í krónueign þrotabúa gömlu bankanna.
- Undir lok ársins birti ríkisstjórnin áform sín um lækkun verðtryggðra fasteignalána um 20 ma.kr. á ári næstu fjögur árin. Skömmu síðar tilkynnti Seðlabankinn um sölu á verðtryggðum fasteignalánum úr safni bankans fyrir 20 ma.kr. á næstu fimm árum. Þar með dregur úr þensluáhrifum af lækkun skulda.
- Okkur sýnist íslenska þjóðarbúið vera í sjaldgæfu dauðafæri til þess að ná niður verðbólgu og vöxtum í landinu og byggja upp hagvöxt og kaupmátt í sæmilega stöðugu efnahagsumhverfi. Til þess að það takist megum við ekki ýta af stað verðhækkunum, ekki missa eignaverð úr böndunum, sem er ekki auðvelt í höftum og allra síst má það gerast að verkefnið „afnám hafta“ fari handaskolum.
- Spá þessa áramótaannáls er sú að ef við stýrum hægt en örugglega fram hjá skerjum, sem blindskerjum, ársins 2014 verður það ljómandi gott ár...ef við klúðrum því ekki.

ANNÁLL GREININGARDEILDAR 2013

ÞETTA ÁRIÐ SVIPAR ANNÁLNUM TIL MYNDABÓKAR OG FER LÍTIÐ FYRIR TEXTA- ENDA SEGIR MYND MEIRA EN ÞÚSUND ORÐ!

- Að þessu sinni skiptist annállinn í fernt:


1. Árið í hagtölum
2. Árið á mörkuðum
3. Uppáhalds markaðspunktarnir okkar
4. Kaffistofuspjall

ÁRIÐ Í HAGTÖLUM





TÖLUVERÐUR HAGVAXTARÞRÓTTUR Í HAGKERFINU

HAGVÖXTUR Á FYRSTU NÍU MÁNUÐUM ÁRSINS MÆLDIST 3,1%




BIRGÐABREYTINGAR HÉLDU ÁFRAM AÐ LITA HAGVAXTARTÖLUR

AUKINN KRAFTUR FÆRÐIST Í VÖXT EINKANEYSLU, FJÁRFESTINGA OG ÚTFLUTNINGS ÞEGAR LEIÐ Á ÁRIÐ



VERÐBÓLGAN HEFUR „ZIK-ZAKKAÐ“ Í KRINGUM 3,9%


GREININGARDEILD OFSPÁÐI VERÐBÓLGUNNI OFTAR EN HÚN VANSPÁÐI HENNI



SEÐLABANKINN NOKKUÐ HITTINN Á VERÐBÓLGU

OG TELUR AÐ HÚN HJAÐNI NIÐUR AÐ MARKMIÐI VIÐ LOK ÁRS 2016 EINS OG SAKIR STANDA


Verðbólguþáttur SÍ og mæld verðbólga



AÐHALD PENINGASTEFNUNNAR HEFUR AUKIST ÞRÁTT FYRIR ÓBREYTTA VEXTI Á ÁRINU


AUKNINGIN ER ÞESS Í STAÐ VEGNA HJÖÐNUNAR VERÐBÓLGU

Aðhald peningastefnunnar m.v. ólíka mælikvarða




KRÓNAN HEFUR VERIÐ ÓVENJU STÖÐUG FRÁ ÞVÍ Í VOR

AFLEIÐING AUKINNAR VIRKNI SEÐLABANKANS Á GJALDEYRISMARKAÐI? GEFUR DESEMBER FYRIRHEIT UM KOMANDI ÁR?



LANGT SÍÐAN VIÐSKIPTAJÖFNUÐUR HEFUR LITIÐ JAFN VEL ÚT


ÞRÁTT FYRIR RÝR VIÐSKIPTAKJÖR



DREGIÐ HEFUR ÚR AFGANGI Á VÖRUSKIPTUM VIÐ ÚTLÖND...

RÍFLEGA 63 MA.KR. UPPSAFNAÐUR AFGANGUR Á FYRSTU 11 MÁNUÐUM ÁRSINS 2013 SAMANBORIÐ VIÐ 75 MA.KR. Á SAMA TÍMA Í FYRRA


Uppsafnaður afgangur á vöruskiptum við útlönd
- ma. kr.




... EN AUKNING ÞJÓNUSTUÚTFLUTNINGS HEFUR VEGIÐ UPP Á MÓTI

FERÐAÞJÓNUSTAN ER DRÁTTARKLÁRINN Í KRÖFTUGUM VEXTI ÞJÓNUSTUÚTFLUTNINGS

Hlutdeild þjónustuútflutnings í heildarútflutningi




Helstu liðir útflutnings - m.kr.




ENDA VAR ÞETTA METÁR Í KOMU ERLENDRA FERÐAMANNA

MILLJÓN FERÐAMENN ÁRIÐ 2015?




* Fyrstu 11 mánuðir ársins




FERÐAMENN VORU EKKI FEIMNIR VIÐ AÐ RÍFA UPP VESKIÐ

Í JÚLÍ VAR MESTI AFGANGUR Á KORTAVELTUJÖFNUÐI SEM VERIÐ HEFUR Í EINUM MÁNUÐI FRÁ UPPHAFI EÐA 8,5 MA.KR.

Innlend og erlend kortavelta 2013
- uppsöfnuð velta, ma. kr.





Kortaveltujöfnuður
- kortavelta erl. ferðamanna hérlandis mínus
kortavelta Íslendinga erlendis, ma.kr.



* Fyrstu 11 mánuðir ársins

FASTEIGNAMARKAÐURINN HÉLT ÁFRAM AÐ ÞIÐNA


TÖLUVERÐ HÆKKUN LEIGUVERÐS OG KAUPVERÐS FJÖLBÝLIS EN KAUPVERÐ SÉRBYLIS GAF EFTIR ÞEGAR LEIÐ Á ÁRIÐ



SÉRTÆKAR AÐGERÐIR Í ÞÁGU HEIMILANNA HAFA DREGIST SAMAN


MUNU ÞÓ AUKAST AFTUR Á NÆSTA ÁRI ÞEGAR SKULDANIÐURFELLINGIN KEMUR TIL SKJALANNA

Sértækar greiðslur til heimila
- ma.kr.



- Endurgreiðslur til skilvísra lánþega (v. ás)
- Sérstakar vaxtaniðurgreiðslur (v. ás)
- Útgreitt v/ gengislána (v. ás)
- Úttekt séreignarlífeyrissparnaðar (e. skatt) (v. ás)



Niðurfærsla skulda heimilanna
- ma. kr.



- Gengistryggð lán (v. ás)
- 110% leiðin og sértæk skuldaaðlögun (v. ás)


AÐSTÆÐUR Á VINNUMARKAÐI HÉLDU ÁFRAM AÐ BATNA

ATVINNULEYSI HEFUR FARIÐ LÆKKANDI OG HEILDARVINNUSTUNDUM FJÖLGAÐ




LANDSMENN VORU LÉTTIR Í LUND Í SUMAR

VÆNTINGAVÍSITALA GALLUP RAUF 100 STIGA MÚRINN Í FYRSTA SINN FRÁ HRUNI Í MAÍ OG JÚNÍ




DREGIÐ HEFUR ÚR HALLAREKSTRI RÍKISSJÓÐS



ÁRIÐ Á MÖRKUÐUM




ÓVERÐTRYGGÐ BRÉF SKILUÐU BETRI ÁVÖXTUN Á ÁRINU




HEILT YFIR VAR LÍTIL BREYTING Á ÁVÖXTUNARKRÖFUM

VANDI ÍBÚÐALÁNASJÓÐS HEFUR VERIÐ Í BRENNIDEPLI Á ÁRINU OG „SUÐIÐ“ Í KRINGUM SJÓÐINN HNIKAÐI KRÖFU ÍBÚÐABRÉFA UPP Á VIÐ, BÆÐI Í SUMAR OG Á SÍÐUSTU VIKUM ÁRSINS



Ávöxtunarkrafa óverðtryggðra skuldabréfa




Ávöxtunarkrafa verðtryggðra skuldabréfa



AÐRAR ÚTGÁFUR JUKUST Á ÁRINU



ÚRVALSVÍSITALAN HÆKKaðI UM RÚM 15% Á ÁRINU




FYRIRTÆKJUM FJÖLGAÐI UM ÞRJÚ
Á ÁRINU – TVÖ TRYGGINGAFÉLÖG
OG EITT OLÍUFÉLAG.

ÍSLENSK FÉLÖG Á AÐALLISTA
KAUPHALLAR ÍSLANDS ERU ÞVÍ
ORÐIN 11 TALSINS.

ÚTLIT ER FYRIR AÐ NÝSKRÁNINGAR
VERÐI ALLAVEGA ÞRJÁR Á NÝJU
ÁRI.

TÖLUVERT MEIRA LÍF ER KOMIÐ Á HLUTABRÉFAMARKAÐINN

Heildarvelta á hlutabréfamarkaði
- ma.kr




Á ÁRINU FÆRÐIST MEIRA LÍF Á
INNLENDNA
HLUTABRÉFAMARKAÐINN.

HEILDARVIÐSKIPTI MEÐ HLUTABRÉF
NÆRRI ÞREFÖLDUÐUST Á ÁRINU.


MEÐAL DAGLEG VELTA VAR
TÆPLEGA 985 M.KR. Á ÁRINU Í
SAMANBURÐI VIÐ 340 M.KR. 2012.

Dagleg velta á hlutabréfamarkaði
- ma.kr




MARKAÐSVIRÐI HLUTABRÉFA Í KAUPHÖLL ÍSLANDS JÓKST UM 36% Á ÁRINU

Markaðsvirði íslenskra hlutafélaga undir lok árs




MARKAÐSVIRÐI SKRÁÐRA FÉLAGA Í KAUPHÖLLINNI ER UM 486 MA.KR. EÐA Í KRINGUM 29% AF VLF.

Markaðsvirði skráðra hlutabréfa
- (%) sem hlutfall af VLF




ICELANDAIR FLAUG ÁFRAM Í 30 ÞÚSUND FETUNUM

Þróun hlutabréfaverðs íslenskra félaga á árinu



VIÐ VORUM EKKERT ÓSVIPUÐ ÖÐRUM Á ÁRINU

Þróun nokkurra helstu hlutabréfavísitalna heims í EUR



UPPÁHALDS MARKAÐSPUNKTARNIR OKKAR

STÓR HLUTI ÞESS SEM VIÐ GERUM
FELST Í ÞVÍ AÐ FJALLA UM ÍSLENSKT
EFNAHAGSLÍF Í
MARKAÐSPUNKTUNUM OKKAR.

ÞRÁTT FYRIR AÐ
MARKAÐSPUNKTARNIR SÉU JAFN
ÓLÍKIR OG ÞEIR ERU MARGIR ÞÁ
TÓKST OKKUR AÐ VELJA ÞÁ SEM SEM
OKKUR ÞÓTTI STANDA UPP ÚR Á
ÁRINU.




VINNUMARKAÐURINN VAR OKKUR OFARLEGA Í HUGA...

Í SUMAR VELTUM VIÐ FYRIR OKKUR HVORT SKILVIRKNI VINNUMARKAÐAR VÆRI TEKIN AÐ AUKAST. ÞÆR VANGAVELTUR HAFU FENGIÐ BYR UNDIR BÁÐA VÆNGI Í LJÓSI KRÖFTUGS BATA VINNUMARKAÐAR Á ÁRINU


BEVERIDGE KÚRFAN: SKILVIRKNI
VINNUMARKAÐAR AÐ AUKAST Á NÝ?

BEVERIDGE KÚRFAN: AF HVERJU DRÓ ÚR
SKILVIRKNI VINNUMARKAÐAR

MARKAÐSPUNKTAR 22. OG 23. JÚLÍ



Fjöldi ráðninga á hvert laust starf





...OG VIÐ PÆLDUM MIKIÐ Í ÁHRIFUM KJARASAMNINGA

Í KJÖLFAR KJARASAMNINGANNA ÁRIÐ 2011 HÆGÐI Á BATA Á VINNUMARKAÐI OG VERÐBÓLGA JÓKST

KJARASAMNINGARNIR 2011: VÍTI TIL VARNÐAR?

KJARASAMNINGAR: 1% LAUNAHÆKKUN LEIÐIR TIL 0,15-0,2% HÆKKUNAR VNV

MARKAÐSPUNKTAR 29. OKTÓBER OG 19. ÁGÚST






VIÐ VELTUM LAUSAFJÁRVANDANUM MIKIÐ FYRIR OKKUR

BREYTINGAR Á SEÐLABANKABRÉFINU ÝTA UNDIR LAUSAFJÁRGNÓTT Á MEÐAN SALA EIGNA ESÍ DREGUR ÚR ÓÆSKILEGUM ÁHRIFUM OF MIKILS LAUSS FJÁR Í UMFERÐ.

AF SEÐLABANKABRÉFINU,
PENINGAPRENTUN OG RÍKISREKSTRI

MÓTVÆGISAÐGERÐ SEÐLABANKANS –
GRÝLA LOKSINS VÖKNUÐ

MARKAÐSPUNKTAR 5. NÓVEMBER OG 17.
DESEMBER



VIÐ HÖFÐUM (OG HÖFUM ENN) ÁHYGGJUR AF ÍBÚÐALÁNASJÓÐI

REKSTUR SJÓÐSINS ER ERFIÐUR OG HÁÐUR STUÐNINGI YFIRVALDA


ÍBÚÐALÁNASJÓÐUR: „WE HAVE A PROBLEM“

ÓVISSAN Í KRINGUM ÍBÚÐALÁNASJÓÐ

ENN ÓVISSA Í KRINGUM ÍBÚÐALÁNASJÓÐ

HÁLFS ÁRS UPPGJÖR ÍBÚÐALÁNASJÓÐS: ÁFRAM ERFITT

MARKAÐSPUNKTAR 30. MAÍ, 22. FEBRÚAR, 19. APRÍL OG 4. SEPTEMBER




STAÐA SVEITARFÉLAGANNA VAR OKKUR HUGLEIKIN Í SUMAR

VIÐ FJÖLLUÐUM UM BATNANDI STÖÐU SVEITARFÉLAGA Í SUMAR EN BENTUM JAFNFRAMT Á AÐ HORFUR VÆRU ÁFRAM VIÐKVÆMAR M.T.T. SKULDASTÖÐU


BATNANDI STAÐA SVEITARFÉLAGANNA – EN HORFUR ÁFRAM VIÐKVÆMAR

MARKAÐSPUNKTAR 6. JÚNÍ

Framlegð af samstæðurekstri 28 sveitarfélaga
- EBITDA / Rekstrartekjur




Heildarskuldir og skuldbindingar samstæðu 28 sveitarfélaga að frádregnum veltufjármunum sem hlutfall af veltu




Í KJÖLFARIÐ FJÖLLUÐUM VIÐ UM AFBORGANIR OG FJÁRFESTINGAR SVEITARFÉLAGANNA

VIÐ DRÓGUM ÞÁ ÁLYKTUN AÐ ÁHERSLUR SVEITARFÉLAGANNA HAFI MIÐAÐ AÐ ÞVÍ AÐ BÆTA AFKOMU OG GREIÐA NIÐUR SKULDIR, ÞANNIG HAFI FJÁRFESTINGAR SETIÐ Á HAKANUM.

Fjárfestingar sveitarfélaga
- sem hlutfall af rekstrartekjum



Afborgunarferill samstæðu 28 stærstu sveitarfélaga landsins
- í mð.kr.



AFBORGUNARBREKKA SVEITARFÉLAGANNA

FJÁRFESTINGAR SVEITARFÉLAGANNA SITJA Á HAKANUM

MARKAÐSPUNKTAR 28. JÚNÍ OG 9. JÚLÍ


ORKUFYRIRTÆKIN ERU HÆGT OG BÍTANDI Á RÉTTRI LEIÐ

Í SEPTEMBER FJÖLLUÐUM VIÐ UM AÐ REKSTUR OG SKULDASTAÐA ORKUFYRIRTÆKJANNA VÆRI ALMENNT AÐ BATNA


ORKUFYRIRTÆKIN HÆGT OG BÍTANDI Á RÉTTRI LEIÐ

MARKAÐSPUNKTAR 17. SEPTEMBER


Tekjur og EBITDA framlegð skráðra orkufyrirtækja



Nettó skuldir / Rekstrartekjur



Nettó skuldir / EBITDA



VIÐ RÝNDUM Í FERÐAÞJÓNUSTUNA


VIÐ FJÖLLUÐUM BÆÐI UM FJÖLGUN FERÐAMANNA OG UM FERÐAÞJÓNUSTUNA Í HEILD Í VIÐAMIKILLI SKÝRSLU

[SPÁUM ÞRÍÐJUNGSFJÖLGUN FERÐAMANNA TIL 2015](#)


[FERÐAÞJÓNUSTAN: ATVINNUGREIN Á UNGLINGSALDRI](#)

MARKAÐSPUNKTAR 15. FEBRÚAR OG SKÝRSLA 19. JÚNÍ


Nýting herbergja á hótélum og gistiheimilum á landinu öllu



Tekjur af aðgangsgjaldi
- í mörk. kr. eftir meðalupphæð og verðteygni



Fækkun ferðamanna m.v. óbreytta stöðu
- %, eftir meðalupphæð og verðteygni




VIÐ FJÖLLUÐUM UM MINNKANDI SVIGRÚM LÍFEYRISSJÓÐA TIL HLUTABRÉFAFJÁRFESTINGA

LÍFEYRISSJÓÐIRNIR MEGA EKKI EIGA MEIRA EN 15% AF HLUTAFÉ FÉLAGA. Í MARKAÐSPUNKTUM FJÖLLUÐUM VIÐ UM MINNKANDI SVIGRÚM ÞEIRRA TIL HLUTABRÉFAFJÁRFESTINGA

MINNKANDI SVIGRÚM LÍFEYRISSJÓÐA TIL HLUTABRÉFAFJÁRFESTINGA

MARKAÐSPUNKTAR 9. SEPTEMBER

Eignarhlutur 6 stærstu lífeyrissjóða í félögum á hlutabréfamarkaði



Innlend hlutabréfaeign lífeyrissjóðasem hlutfall af hreinni eign




VIÐ SKOÐUÐUM HVERNIG HRÁOLÍUVERÐSHÆKKANIR KOMA FRAM Í INNLENDU ELDSNEYTISVERÐI

NIÐURSTAÐAN ER SÚ AÐ ÞEGAR HRÁOLÍUVERÐ HÆKKAR UM 1% HÆKKAR INNLENT ELDSNEYTISVERÐ UM 0,18% EF LEIÐRÉTT ER FYRIR GENGISÁHRIFUM


HVERNIG KOMA HRÁOLÍUVERÐSHÆKKANIR FRAM Í INNLENDU ELDSNEYTISVERÐI?

MARKAÐSPUNKTAR 28. ÁGÚST

Hráolíuverðsleki (m. gengisáhrifum)
- samanburður við önnur lönd



Hráolíuverðsleki
- áhrif 1% verðhækkun hráolíu á innlent eldsneytisverð





VIÐ HÖFUM GAMAN AF ÖÐRUVÍSI HAGVÍSUM

EFNAHAGSÁSTANDIÐ ER AÐ BATNA SAMKVÆMT K-ORÐS VÍSITÖLUNNI OG FÆRUMST VIÐ AÐ VAXTARKASSANUM Í HAGHRINGIÐUNNI

K-ORÐS VÍSITALAN UPPFÆRÐ

HAGHRINGIÐAN: ANNAÐ SJÓNARHORN Á ÍSLENSKA EFNAHAGSBATANN

MARKAÐSPUNKTAR 3. MAÍ OG 17. JÚLÍ





KAFFISTOFUSPJALL

VIÐ VINNUM MEÐ SÆG AF
HÆFILEIKARÍKU FÓLKI SEM HEFUR
ÓLÍKA SÝN Á MARKAÐI OG
EFNAHAGSLÍFIÐ Í HEILD SINNI.

OKKUR FINNST FÁTT GAGNLEGRA EN
AÐ HITTA ÞAÐ Á KAFFISTOFUNNI OG
HEYRA HVAÐ ÞAÐ HEFUR AÐ SEGJA
UM MÁLEFNI LÍÐANDI STUNDAR.

VIÐ BÁÐUM NOKKRA
SAMSTARFSFÉLAGA OKKAR AÐ RÝNA Í
ARIÐ SEM ER AÐ LÍÐA OG SPÁ Í ÞAÐ
NÆSTA.



Margrét Sveinsdóttir
Framkvæmdarstjóri
eignastýringar

Það er jákvætt að komin er hreyfing á íslenskt atvinnulíf og að hagvöxtur mælist meiri en spár gerðu ráð fyrir. Við sjáum þetta í auknum áhuga fjárfesta sem vilja nú nýta sér fjölbreyttari fjárfestingakosti en áður.

Hvað nýjar lánveitingar fyrirtækjasviðs varðar þá byrjaði árið 2013 hægt og var það ekki fyrr en um miðbik þessa árs að verkefni fóru fyrir alvöru að koma inn. Ný verkefni hafa að megninu til verið fasteignatengd eða tengd sjávarútvegi. Í fasteignum, þá fer bróðurparturinn of okkar fyrirgreiðslu í ný íbúða- og hótélverkefni á höfuðborgarsvæðinu.

Samkeppnin á fjármálamarkaðinum er mikil og ljóst að Arion banki þarf að halda sér á tánum til að standa hana af sér. Við höfum skynjað stigvaxandi bjartsýni á árinu 2013 og gerum væntingar til þess að árið 2014 verði enn betra.



Sveinn Björnsson
Forstöðumaður á
fyrirtækjasviði



Iðna Brá Benediktsdóttir
Forstöðumaður
einkabankaþjónustu

Það sem hæst ber er góður gangur á hlutabréfamarkaði og mikið líf í kringum nýskráningar á árinu. Mörg félög hafa skilað góðri ávöxtun sem hefur verið studd af góðum uppgjörum, þá sérstaklega á seinni hluta ársins. Markaðurinn hefur einnig brugðist við slæmum uppgjörum og neikvæðum fréttum af félögum.

Skuldabréfamarkaður hefur verið nokkuð erfiður á árinu. Mismunandi skoðanir eru hvenær eða hvort Seðlabankinn breyti vaxtastigi frekar og fróðlegt verður að sjá hafa áhrif það mun hafa á markaðinn.

Árið 2013 hefur verið viðburðaríkt hjá Stefni hf. enda mikið um að vera á verðbréfamörkuðum. Innanlands hefur ávöxtun hlutabréfa þeirra félaga sem eru skráð í kauphöll verið mjög góð en á sama tíma hefur árið verið erfitt á skuldabréfamarkaði. Að sama skapi hefur ávöxtun erlendra hlutabréfa verið mjög góð. Hjá Stefni erum við einnig að reka umfangsmikla starfsemi í sérhæfðum fjárfestingum og var árið mjög gott hvað þá starfsemi varðar. Í þeim efnum má nefna kaup SF IV slhf. á Skeljungi og færeyska olúfélaginu P/F Magn, kaup SF V slhf. á helstu eignum Norvíkur auk þess sem SRE II slhf. keypti Hótel Borg hf. Einnig var áframhald á eignavarinni fjármögnun s.s. með endurfjármögnun á Klasa fasteignum ehf.

Árið 2014 verður örugglega spennandi. Í efnahagsmálum verður áhugavert að fylgjast með því hvernig tekst að ná heildarniðurstöðu í kjarasamningum aðila á vinnumarkaði, framfylgja stefnu um hallalaus fjárlög, sjá útfærslu á afnámi gjaldeyrishafta og niðurstöðu nefndar um afnám verðtryggingar á neytendalánum svo fátt eitt sé nefnt.



Jón Finnbogason
Forstöðumaður hjá
Stefni



Svana Huld Linnet
Fyrirtækjaráðgjöf

Árið 2013 einkenndist af kjarki jafnt fyrirtækja sem og fjárfesta við ákvarðanatökur. Hægt og sígandi eru félög að komast upp úr öldudal undanfarinna ára og geta einbeitt sér að grunnrekstri sínum. Á árinu bættust ný félög í hóp þeirra sem skráð eru á Aðalmarkað Kauphallarinnar eftir vel heppnuð útboð og voru fjárfestar fjölbreytninni fegnir. Fleiri félög hafa tilkynnt áform sín um innkomu á hlutabréfamarkað á nýju ári sem vonandi verður að veruleika.

Árið 2013 var mikið hlutabréfaár, miklar hækkunar og allar nýskráningar gengu mjög vel. Allt útlit er fyrir að 2014 verði líkt 2013, hlutabréfamarkaðurinn er að stækka og útlit fyrir nokkrar nýskráningar á komandi ári.

Árið 2013 í skuldabréfum einkenndist af öðrum útgáfum, meðan bréf tengd ríkinu áttu erfitt uppdráttar í lok árs. Markaður fyrir önnur skuldabréf gekk vel á árinu, jákvætt að sá markaður sé að koma til og er líklegt að á árinu 2014 muni sá markaður stækka á kostnað ríksbréfa.



Sigurður Hreiðar Jónsson
Verðbréfamiðlun



Bernhard Þór Bernhardsson
Útibússtjóri í Borgarnesi

Árið 2013 var í mínum huga árið sem maður fór að sjá jákvæðar breytingar þó þær hefðu gjarnan mátt vera meiri. Endurútreikningi erlendra lána lauk, við sáum að flestir einstaklingar og fyrirtæki sem fóru í gegnum skuldaaðlögun virðast ætla að spjara sig og það var kynnt niðurstaða varðandi leiðréttingar verðtryggðra lána.

Aukinnar bjartsýni gætti nokkuð víða á árinu, við sáum töluverðar jákvæðar breytingar og uppbyggingu í atvinnugreinum eins og ferðaþjónustu, fiskeldi og landbúnaði. Eins virðist fasteignamarkaður á landsbyggðinni vera að taka við sér og voru til dæmis töluverðar verðhækkanir á Vestfjörðum í fyrsta sinn í áratugi. Ég lít því bjartsýnn fram veginn í árslok og treysti því að 2014 verði enn betra!

Gjaldeyrismarkaðurinn hefur verið aðeins skilvirkari en síðustu ár í fjármagnshöftum. Minna flökt hefur verið á krónunni og hún er talsvert sterkari í desember í ár en síðustu ár. Seðlabankinn hefur verið virkari í inngripum á gjaldeyrismarkaði og framvirki markaðurinn á gjaldeyri hefur verið að fara af stað. Fyrirtæki mega kaupa gjaldeyri framvirkt vegna vörukaupa og þjónustu sem og sækja um undanþágu til gjaldeyrisvarna á áætlanagerð. Allt þetta dregur úr óvissu og skapar meiri stöðugleika í atvinnulífinu. Vonandi verða einhverjar aðgerðir á næsta ári sem létta eitthvað á höftunum þannig að ytra umhverfi fyrirtækja verði bærilegra.



Kristín Erla Jóhannsdóttir
Gjaldeyrismiðlun



Ingólfur Snorri Kristjánsson
Verðbréfamiðlun

Seðlabankinn hélt vöxtum óbreyttum á árinu 2013 en nýtti sér þess í stað önnur tól í glímunni við veikt raunhagkerfi og hækkanir á eignamörkuðum. Það var jákvætt að sjá að með virkari inngripum á gjaldeyrismarkaði tókst að draga úr flökti krónunnar. Tilkynningin um sölu á eignavörðum skuldabréfum í eigu Seðlabankans nú rétt fyrir jóla markaði ákveðin tímamót og er til þess fallin að auka framboð fjárfestingakosta sem eru af skorum skammti í dag. Með aðgerðinni er jafnframt verið að draga úr peningamagni í umferð sem er í sögulegum hæðum um þessar mundir.

Nýtt ár getur markað ákveðin kaflaskil ef ríkinu tekst að standast áætlanir um hallalaus fjárlög, eftir samfelldan 6 ára hallarekstur. Það ætti að vera eitt af mikilvægustu verkefnum komandi ára að skapa svigrúm til að greiða niður skuldir ríkissjóðs. Án þess verður afnám gjaldeyrishafta einungis fjarlægur draumur.



GREININGARDEILD ÓSKAR ÞÉR OG ÞÍNUM GLEÐI OG FARSÆLDAR
Á KOMANDI ÁRI